



TOSHKENT DAVLAT YURIDIK UNIVERSITETI REKTORINING B U Y R U G ' I

27.12.2024

229-um-son

Toshkent davlat yuridik universitetiga qo'shimcha shtat birliklari ajratish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonining 11-bandi, 2021-yil 24-dekabrda "Davlat oliy ta'lim muassasalarining akademik va tashkiliy-boshqaruv mustaqilligini ta'minlash bo'yicha qo'shimcha chora-tadbirlar to'g'risida"gi PQ-60-son qarori 1-bandi "b" kichik bandi va O'zbekiston Respublikasi adliya vazirining 2020-yil 22-iyuldagi "Toshkent davlat yuridik universitetining Ustavini tasdiqlash to'g'risida"gi 126-um-son, 2021-yil 5-maydagi "Toshkent davlat yuridik universiteti boshqaruv, texnik, xizmat ko'rsatuvchi va o'quv yordamchi xodimlarining namunaviy shtatlarini yangi tahrirda tasdiqlash to'g'risida"gi 155-um-son buyruqlariga asosan hamda O'zbekiston Respublikasi Adliya vazirligining 2024-yil 20-noyabrda 12/3-1/2500-4-son xati ijrosini ta'minlash maqsadida, shuningdek, Tashkiliy-nazorat va strategik rejalashtirish boshqarmasi boshlig'i D.Maxkamov hamda Tahririy-nashriyot bo'limi boshlig'i O.Choriyevlarning bildirgisiga muvofiq

B U Y U R A M A N:

1. O'zbekiston Respublikasi Prezidentining 2021-yil 24-dekabrda PQ-60-son qarori 1-bandi, "b" kichik bandi uchinchi xatboshisiga muvofiq, 2022/2023-o'quv yilidan boshlab moliyaviy mustaqillik berilgan davlat oliy ta'lim muassasalariga oliy ta'lim muassasalari uchun belgilangan normativlardan qat'i nazar muassasaning tuzilmasini tasdiqlash va shtat birliklari sonini belgilash vakolati berilganligi inobatga olinsin.

2. 2025-yil 3-yanvardan boshlab universitetning quyidagi tarkibiy bo'linmalariga qo'shimcha shtat birliklari (lavozimlari) ajratilsin:

Tashkiliy-nazorat va strategik rejalashtirish boshqarmasining Devonxona bo'limiga qo'shimcha 1 shtat birligida ish yurituvchi lavozimi;

O'quv-uslubiy boshqarmasi (Registrator ofisi)ning Elektron universitet bo'limiga qo'shimcha 1 shtat birligida muhandis-dasturchi va 1 shtat birligida

muhandis-elektronchi lavozimlari;

Huquqiy tashabbuslar va innovatsiyalar markazining Ilmiy-innovatsion ishlanmalarni tijoratlashtirish bo'limiga qo'shimcha 1 shtat birligida uslubchi lavozimi;

Huquqiy tashabbuslar va innovatsiyalar markazining Legal-Tech laboratoriyasiga qo'shimcha 1 shtat birligida bosh mutaxassis-koordinator lavozimi;

Tahririy-nashriyot bo'limining Tipografiya sektoriga qo'shimcha 1 shtat birligida texnik muharrir va 1 shtat birligida operator-pechatlovchi lavozimlari.

3. Huquqiy tashabbuslar va innovatsiyalar markazi (S.Latipov) va O'quv-uslubiy boshqarmasi (Registrator ofisi)ning Elektron universitet bo'limi (A.Karimov) bilan birgalikga **bir oy muddatda** "Huquq maktabi" – huquqni mustaqil o'rganishga qaratilgan mobil ilovani (keyingi o'rinlarda – mobil ilova) texnik jihatdan takomillashtirish hamda kontentlarni yangilab borish va boyitish bo'yicha "Yo'l xaritasi" ishlab chiqsin va tasdiqlash uchun kiritsin.

Bunda O'quv-uslubiy boshqarmasi (Registrator ofisi)ning Elektron universitet bo'limi mobil ilovaning dasturiy-texnik qismiga, Huquqiy tashabbuslar va innovatsiyalar markazi mobil ilovaning kontent qismiga mas'ul etib belgilansin.

4. Tahririy-nashriyot bo'limining Tipografiya sektorida tayyor mahsulotlar va materiallarga bosish faoliyati tashkil etilsin.

5. Moliya-iqtisod bo'limi (A.Raximov) universitetning boshqaruv, texnik, xizmat ko'rsatuvchi va o'quv-yordamchi xodimlari hamda professor-o'qituvchilar tarkibi bo'yicha shtat jadvallarini mazkur buyruqdan kelib chiqqan holda qaytadan ishlab chiqib, 2025-yil 3-yanvardan joriy etilishini ta'minlasin.

6. Mazkur buyruqning bajarilishini nazorat qilishni o'z zimnamda qoldiraman.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Bo'lim boshlig'i

A.RAXIMOV



Kelishildi:

Moliya-iqtisod ishlar bo'yicha
prorektor

A.IMINOV



Ilmiy ishlar va innovatsiyalar
bo'yicha prorektor

B.XODJAYEV



Boshqarma boshlig'i

D.MAXKAMOV



Direktor

S.LATIPOV



Bo'lim boshlig'i

O.CHORIYEV



Boshqarma boshlig'i

S.BOZAROV



Bo'lim boshlig'i

A.KARIMOV



Bosh mutaxassis

D.ABDULLAYEV



Bosh buxgalter

M.PARPIYEV



Boshqarma boshlig'i

A.XUNDIBAYEV



Katta yuriskonsult

A.TURSUNOV

